



Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

X. Tres regni Francorum Reges æquo jure. Pares dicti. Explicata epistola Ludovici II. ad Basilium. Imperatoris titulus non est divisus. Quare petenda non est imperatoria potestas ex hoc capite.

urn:nbn:de:hbz:466:1-15591

pressus est iis literis à Ludovico datis quæ significationem eandem verbis *Regis & Romani* inesse ostendunt; id autem solum præ ceteris eximium habere Imperatorem, quod à Pontifice Romano unctus, nomen illud adipiscatur. Quare, si verum amamus, Reges illi qui Ludovici Pij hereditatem parti sunt, ita existimarunt, regnum Francicum, Germanicum, & Italicum cum supremo regnandi jure se à parentibus traxisse; solam autem imperatorij nominis dignitatem, & in Romanam provinciam auctoritatem, ab unicione Romani Pontificis tunc peperdisse. Quod apertissimè confirmatur ex electione Caroli Calvi, quem statim ab obitu Ludovici II. Ioannes VIII. Imperatoris titulo insignivit. Sed necessaria fuit Episcorum & Optimatum Italici regni electio, ut illis provinciis præcesset; & Gallicanorum Procerum consensus, ut in suo Franciæ regno, Imperatoris nomen assumeret, quemadmodum docent Acta Concilij Pontigonensis. Imperij Romani status deinde immutatus est, transflata in Othones Germanos à Pontificibus succelforis diligendi potestate. Ex quo factum est ut Imperium Italici & Germanici regni provincias complexum fuerit. Itaque, ut initio monui, et si Galliarum Reges eodem jure in regno utantur quod per leges Imperatoribus competit, ratio tamen petenda non est, ut visum auctori anonymo & Lupoldo Babenbergensi suprà laudatis, ex divisione regni Francorum à filiis Ludovici Pij instituta, sed ex ea auctoritate quam gloriofissimus Rex Clodoveus in se Coronámque Francicam felici armorum eventu transcripsit.

Vnde patet plenam & integrum Imperij auctoritatem, qualis in Theodosio certisque ejus ævi Romanis Principibus eminebat, in Reges Francorum, qui Gallias Codicis Theodosiani legibus ordinatas occuparunt, semel transflata, ad posteros cum eadem amplitudine propagatam fuisse. A quo jure longè recesserunt Imperatores Germanici: qui certis quibusdam conditionibus astricti, specie Imperij retenta, vim ejus atque majestatem in rebus gerendis ferè amiserunt. Itaque vulgatum illud quod jactatur à nostris, *Reges in regno Imperatores esse*, de priscis Imperatoribus intelligendum est, non autem de Germanicis. Fatendum quidem est Principes istos etiamnum quadam prærogativa frui, ob eam præcipue causam, quæ ruuentem olim Imperatorum Orientalium dignitatem in Occidente sustentavit. Auguiorem enim ceteris Europæ regnis imperiale dignitatem

haberi, ob Petri Apostolorum principis sedem, quæ in provincia Imperij sita erat, testatur Concilium Romanum habitum sub Agathone in epistola synodica ad Constantium Pogonatum. Par nominis Romani cultus (quod in titulis Imperiorum hodie fulget, B. Petri memoria, & Summi Pontificis unctione consecratum) apud ceteros Christianos Principes non invitatos prius locum Imperatoribus Romano-Germanicis conciliavit. Ceterum ea semper fuit hominum nostrorum persuasio, Reges Francorum etiam illis ipsis Imperatoribus præcellere, si Romani nominis dignitatem ob eam quam dixi causam, excipias. Quod aperte professi sunt Legati à B. Ludovico Rege ad Fridericum II. missi, ut testarentur à Rege, ex consilio procerum, repudiatum fuisse Imperium, quod Gregorius Papa post Friderici abdicationem Roberto Comiti Regis fratri invadendum obtulerat. Sententiam ejus orationis quam ad Fridericum habuerunt, Matthæus Paris retulit his verbis: *Nec nos pulsat ambitio. Credimus enim Dominum nostrum Regem Gallie, quem linea regij sanguinis provexit ad seipsum Francorum regendum, excellentiorem esse aliquo Imperatore, quem sola electio provexit voluntaria. Sufficit Domino Comiti Roberto, fratre esse tanti Regis.* Quare ut Reges nostri maiestate & dignitate illis non cedunt, ita sine dubio potiores sunt auctoritate.

X. Hæc auctoritas ita accipienda est, ut Reges in rebus humanis administrandis nec ipsis ecclesiasticae potestatis consortium admittant: quæ ita rebus spiritualibus est addicta, ut sine injuria Regum res temporales attingere non possit. Quippe Magister edixit, regnum suum de hoc mundo non esse, sejdicem aut divisorem terrenæ hereditatis non fuisse constitutum; docuitque Paulus Dei militem se non implicare negotiis secularibus, sed mysteriorum dispensationi, ut Christi ministerium. Quare eleganter Bernardus: *Non monstrabunt, puto, ubi aliquando quisquam Apostolorum judex se devit hominum, aut divisor terminorum, aut distributor terrarum. Stetisse denique Apostolos judicandos, sedisse judicantes non lego.* Infrā: *Ergo in criminibus, non in possessionibus, portas vestras: quoniam propter illa, & non propter has, accepistis claves regni calorum.* Mox: *Habent hec infirma & terrena judices suos, Reges & Principes terre.* Quid finis alios invaditis? Quid falcam in alienam messem extenditis? Huc referri possunt ea quæ ad discrimen utriusque potestatis explicandum superiore capite concessi. Quæ quidem cum vera sint in genere, ita & speciali modo in Gal-

Epist. Synod. Con-
cil. Romani relata
Act. IV. sexta
syn. anno 650.
Nos autem licet
huiusmodi, sumus
nisi seruum equi-
morum, ne Christianis
nostri Imperii
Res publica, in
qua beatu Petri
Apostolorum
Principis sedes
fundata est, cuius
auctoritatem ou-
nes Christiani
nobiscum nationes
venerantur & co-
lant, per ipsius B.
Petri Apostoli rea-
verentiam, con-
niam gentium
sublimior esse
monstratur.
De hac questione
videnda ep. Lu-
dovici Imp. ad
Basilian.

Ioan. 10.
Luc. 12.

i. Tim. 5.

i. Cor. 6.

liis observanda sunt; Regibus nostris ecclasticæ potestatis præcepta in regni administratione non admittentibus. Cujus auctoritatis retinenterissimum se præbuit Carolus Calvus, qui Reges Francorum ex religio genere natos, non Episcoporum Vice dominos, sed terrarum Dominos, non Villicos & actores Episcoporum, sed veros Reges esse Hadriano II. graviter cum illo expositus denuntiat. Et Proceres regni, ab antecessoribus Hadriani ecclasticum ordinem, quod suum est, non Rempublicam, quod Regum est, dispositam fuisse, Pontificiis mandatis refragantes dicebant apud Hinemanum. Hæc Gallorum sententia manavit in posteros, ut docet auctor disputationis Clerici & Militis, his verbis: Clericus. *Ius voto Decreta & statuta Romanorum Pontificum. Miles. Quid illi statuant, vobis iura esse possunt, nobis vero non sunt. Nullus enim potest de iis statuere super que constat ipsum dominium non habere. Sicut nec Rex Francorum potest statuere super Imperium, nec Imperator super Regnum Francie. Et quemadmodum terreni Principes non possunt aliquid statuere de vestris spiritualibus, super qua non acceperant petestatem sic nec vos de temporalibus, super que non habebitis auctoritatem. Qua de re uberiori dicimus libro quarto.*

Carol. in epist. ad Had. apud H. nema de quilibet 4. c. 22. f. 5.

Disputatio Clerici & Militis.

C A P V T III.

Synopsis.

I. Rex Francorum superiorem non agnoscit in temporalibus, nec ipsam sedem apostolicam, ex Innocentio III. Species Decretalis Per venerabilem. Spontanea Regis subiectio jus tribuit Innocentio, ut liberos Philippi Regis natalibus restitueret.

II. Quid sit liberiori jurisdictione in dicta Decretali. Explicatum ius secularare, quod Regi & Summo Pontifici in Magalonensem Ecclesiam competebat. Quæ regum liberalitate ditata, & specialiter urbe Montispeffuli. Hominum ratione illius urbis praesidium Regi ab Episcopo. Et ipsi Episcopo à Dominis Montispeffuli.

III. De Comitibus Melgori, qui beneficiario jure à sede apostolica Comitatus possidere profisiunt. Vtile dominum Comitatus pervenire ad Ecclesiam Romanam, damnato Raimundo Comite Tolosano. Quæ ius suum in Ecclesiam Magalonensem transcriptum, servata pensione annua B. Ludovicus supremum imperium illius Comitatus ad se revocavit.

IV. Tertium loquendi genus Innocentii examinatur, cum agitur de feudo Montispeffuli. Supremum jus in id sibi competere putabat. Regem tamen in possessione hominij esse sciebat.

V. In rebus ambiguis temporali jurisdictione uti Ponificem, ex Innocentio. Ejus sententia expensa, & locus Deuteronomy explicatus. Detortus Innocentius in alium sensum ab interpretibus. Eorum interpretatione recepta non fuit in Gallia.

VII. Quæfio feudi non competit Ecclesia, ex Innocentio. Qui tamen cognitionem peccati ad se pertinere ait. Hac sententia foras confundit. & in Gallia recepta non fuit.

VIII. Ex opinione Theologorum, qui criminum secularium coercitionem per censuras ab Ecclesiæ removebant, sola criminum ecclasticorum cognitione Episcopis reliqua. Hac sententia inducta in forum; porrecta deinde ad crimen mixtum adulterij; cuius animadverso in laicos vetita olim Episcopis à Curia Parisensi. Ex veteri Ecclesiæ disciplina, quatenus Episcopis criminum cogniti competenter. Quod pendetur anonymo auctori anno 1303.

VIII. Bonifacij constitutio de Ponificis in temporalia potestate, à Clemente rescissa, quod attinet ad Gallos.

I. **G**ALLICI Imperij Libertatem Romani Pontifices ingenuè & aperte professi sunt decretalibus epistolis quas in corpus Iuris Canonici compingi voluerunt. Etenim Innocentius III. de regno Francorum loquens, Superiorum in temporalibus minime recognoscere docuit; relatione habita non solum ad quemcunque alium Principe secularem, sed etiam ad ipsam sedem apostolicam. Enimvero quia frequentissime in hujusmodi disceptationibus laudari solet Constitutio illa, opera pretium mihi visum fuit ejus speciem & explicationem aggredi. Guillelmus Dominus Montispeffulani, expulsa Mathilde uxore, Manuels Imperatoris Constantinopolitani nepte, ex Agnete pellice liberos suscepserat, quos natalibus restituti contendebat ab Innocentio. A quo hujus beneficij arbitrium pendere ex eo probabat, quod sedi apostolicae liberum esset filii naturalibus, etiam adulterinis, veniam natalium ad res spirituales & episcopatus adipiscendos indulgere. quæ indulgentia potiori jure ad res temporales trahi debebat. Hanc rationem juvabat exemplum Philippi Francorum Regis: cuius liberos natalibus restituerat Innocentius, ersi apostolicae sedi Rex ille quoad spiritualia tantum subfesset; Guillelmus vero non tantum quoad spiritualia, sed etiam quoad temporalia, Romanæ Ecclesiæ subjiceretur. Hoc membrum, quod suis difficultatibus implcitum est, sic probat. Suorum bonorum partem hominij nexus ab Ecclesiæ Magalonensi penderet ait; eam vero Ecclesiæ jure feudi à sede apostolica bona à Guillelmo possessa obtinere; unde sequatur Guillelmum Ecclesiæ Romanæ secundo feudi gradu subjici; vassum esse Ecclesiæ Magalonensis, & Romanæ vassallum, si libeat Capitularium verba usurpare. Respondet Innocentius, multum distare causam Philippi Regis à Guillelmi negotio, & in personis majus esse discrimen. Philippum Augustum

Cep. Vir Venit
bilem. Qd. 15
san. lego. et. 12.
3. Reg. 1. Inc.
III. ep. 1. 1.

En. Tief. del. Ep. 1
de Magalon. et
ex Ricard. de la
Romaine.